



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

VII. Das Kloster Neuendorf giebt die Vetwener Mark den Bauern von Vollenschier in Erbpacht, im Jahre 1251.

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

exemptiones secularium exactionum a regibus et principibus vel aliis fidelibus rationabiliter vobis indultas auctoritate apostolica confirmamus et presentis scripti privilegio communimus. Decernimus ergo, ut nulli omnino hominum liceat prefatum monasterium temere perturbare aut ejus possessiones auferre vel ablatas retinere, minuere seu quibuslibet vexacionibus fatigare, sed omnia integra conserventur earum, pro quarum gubernacione ac sustentacione concessa sunt, usibus omnimodis profutura salva sedis apostolice auctoritate. Si qua igitur in futurum ecclesiastica secularive persona hanc nostre constitucionis paginam sciens contra eam temere veniens temptaverit, secundo tertiove commonita nisi reatum suum congrua satisfacione correxerit, potestatis honorisque sui careat dignitate reamque se divino judicio existere de perpetrata iniquitate cognoscat et a sacratissimo corpore ac sanguine dei et Domini redemptoris nostri Jesu Christi aliena fiat atque in extremo examine districte subjaceat ultioni. Cunctis autem eidem loco sua jura servantibus sit pax domini nostri Jesu Christi, quatenus et hic fructum bone actionis percipiant et apud districtum judicem premia eterne pacis inveniant. Amen.

Ego Innocentius, catholice ecclesie episcopus f., Ego Petrus, tit. S. Marcelli presbiter, Cardinalis f., Ego fr. Johannes, tit. S. Laurentii in Lucin. (?) presbiter, Card. f., Ego fr. Hugo, tit. S. Sabine presbiter, Card. f., Ego Otto (Odo), Portuensis et S. Ruffinensis episcopus f., Ego Petrus, Albanensis episcopus f., Ego Wilhelmus, Sabinenensis episcopus f., Ego Egidius, SS. Cosme et Damiani diaconus, Card. f., Ego Octavianus, S. Marie in via lata diac., Card. f., Ego Petrus, S. Georgii ad velum aureum diac., Card. f., Ego Johannes, S. Nicolai in carcere Tulliano diac., Card. f., Ego Wilhelmus, S. Eustachii diac., Card. f.

Datum Lugduni, per manum magistri Martini, S. Romane ecclesie vicecancellarii, IV. Idus Julii in die Leonis IV. (quarto statt quarti?), incarnationis dominice anno M. CC. XLVI., pontificatus vero domini Innocentii pape III. anno quarto.

Das Original ist im Provinzial-Archiv zu Magdeburg nicht vorhanden, wohl aber eine Abschrift des 13. oder 14. Jahrhunderts, an der das Siegel der Abtissin des Klosters hängt, wie an Urk. VII.; außerdem auch ein Transjumpt vom Jahre 1490, dessen geringfügige Abweichungen hier in () angegeben sind. — Bsm. 107.

VII. Das Kloster Neudorf giebt die Vetwener Mark den Bauern von Volenscher in Erbpacht, im Jahre 1251.

A., dei gratia abbatissa, et H., prepositus in Niendorp. Notum sit omnibus presentem literam inspecturis, quod nos campum Vetwene*) civibus de Volenschere sub annua pacta quinque cororum, prout in litteris super hoc conscriptis continetur, concessimus excolendum, quos coros in omnem eventum nobis fide data in perpetuum in solidum persolvere promiserunt, preterquam si dictam villam (sic) Volenschere propter principis terre generale bellum penitus destrua-

*) In gleichzeitiger Aufschrift de campo vetuene.

tur, ita quod nullus ibidem maneat agriculator, tunc dictam pactam solvere non tenentur, quousque predicta villa colonis fuerit reformata. Consensimus etiam in hoc, quod si domini qui pactam de eadem villa recipiunt, propter reformationem ville in pacta, in parte vel in toto cultoribus gratiam fecerint specialem, eadem in pacta nobis debita nomine campi Vetwene gratia pociantur. Vt autem hec que premissa sunt, firma sint et futuris temporibus indubitata, presentem litteram scribi fecimus et tali (sic) sigillo roborari. Datum Gardelege, anno gratie M. CC. quinquagesimo primo.

Orig. in M. Ein rundes Siegel, sitgende Abbtissin mit Buch in der linken. SI.....ISSE IN NIGENTHORP. — Bohn. 104.

VIII. Gerhard von Wederde überläßt dem Kloster Neuendorf 4 Hufen in Wolvelde,
am 1. October 1252.

Noverint universi tam futuri temporis quam presentis, quod ego Gerardus, dictus de Wederde, saluti proprie consulere cupiens et monasterii in Niendorp prope Gardelege Cisterciensis ordinis intentare profectum, ad usus ejusdem monasterii de omni jure, quod in quatuor mansis habui in villa Wolvelde sitis, cessi. Ne vero super eadem cessione in posterum aliquis dubietatis scrupulus qui lites suscitare valeat, oriatur, presens scriptum sigillo meo decrevi in ipsius testimonium consignare. Datum Magdeburg, anno domini M. CC. L. II. Kal. Octobris.

Orig. in M. Rundes, sehr beschädigtes Siegel (Widder).

IX. Markgraf Otto verleiht dem Kloster Neuendorf mehrere von Einzelnen zu ihren Memorien bestimmte Lehnstücke in Stats, Wardenberg, Köten, Gardelegen, Buchholz, Nipitz,
am 10. April 1254.

In nomine sancte et individue trinitatis. Otto, dei gratia Brandenburgensis Marchio, Omnibus in perpetuum. Quoniam omnes morimur et non est priorum memoria nec eorum quidem qui futuri sunt erit memoria apud illos qui in novissimo sunt futuri, necessarium reputamus et existat utiliter adinventum, ut ea que fiunt in tempore quod defluit et pertransit, ne cum pretereuntibus cum eodem pertranseant et decurrant et sic eorum memoria in oblivionis cinerem redigatur, scriptis authenticis aut testium vocibus confirmantur, per que res gesta ad notitiam deveniat futurorum, Sane abbatissa et collegium Christi ancillarum sancte Marie in Niendorp Ordinis Cisterciensis nobis humiliter supplicarunt, ut bona quedam, que quidam fideles nostri ipsis pro sua